

Na osnovu člana 7. Odluke o općinskim komunalnim taksama («Službeni glasnik općine Zavidovići» broj 3/2009) i člana 39. stav 1. tačka 6. i člana 118. Statuta Općine Zavidovići («Službeni glasnik općine Zavidovići» broj 5/2008 i 5/a/2008), Općinski načelnik Zavidovići d o n o s i

U P U T S T V O

o dopunama Uputstva o primjeni Odluke o općinskim komunalnim taksama

Tačka 1.

U Uputstvu o primjeni Odluke o općinskim komunalnim taksama («Službeni glasnik općine Zavidovići» broj 9/2004 i 1/2005), iza tačke 20. dodja se nova tačka 20a. koja glasi:

«Tačka 20a.

Pod privatnim medicinskim uslugama (tarifni broj 1. podbroj VII, tačka broj 7. u tabelarnom dijelu) podrazumjevaju se:

- medicinska djelatnost (opća i specijalistička) koja se bavi zaštitom i liječenjem zdravlja ljudi čiji je osnivač fizičko lice,
- zubarska djelatnost čiji je osnivač fizičko lice,
- veterinarska djelatnost koja se bavi liječenjem i zaštitom zdravlja životinja čiji je osnivač fizičko lice,
- ostale djelatnost koje se bave liječenjem i zaštitom zdravlja ljudi i životinja čiji je osnivač fizičko lice».

Tačka 2.

Iza tačke 22. dodaje se tačka 22 a. koja glasi:

«Tačka 22a.

Komunalnu taksu za postavljanje stolova ispred ugostiteljskih radnji u iznosu 1,00 KM/dan plaćaju: hotel, hotelsko naselje, motel, pansion, apartman, kampovi, hosteli, kuća za odmor, prenočište, kafana, bosanska kafana, ljetna bašta, noćni klub, noćni bar, disko klub, kaffe-bar (kafić), pivnica, buffet, krčma, konoba, klet, picerija i restoran iz skupine ratorani.

Komunalnu taksu za postavljanje stolova ispred ugostiteljskih radnji u iznosu 0,50 KM/dan plaćaju: zdravljak, zalogajnica, ćevabdžinica, aščinica, buregdžinica, pečenjarnica, slastičarnica, objekat brze prehrane (fast food), pripremnica obroka (catering), objekti jednostavnih usluga u kiosku, objekti jednostavnih brzih usluga, objekti jednostavnih usluga u nepokretnom vozilu, objekti jednostavnih usluga u šatoru, objekti jednostavnih usluga na klupi i objekti jednostavnih usluga na kolicima».

Tačka 3.

Ovo Uputstvo stupa na snagu danom njegovog donošenja i primjenjivat će se od 01.01.2011. godine, te će se objaviti u «Službenom glasniku općine Zavidovići».

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
- OPĆINSKI NAČELNIK -

OPĆINSKI NAČELNIK

Hakija Osmić, dipl.ecc., s.r.

Broj: 02-23-666/11

(M.P.)

Datum: 09.02.2011. godine